

► *Den fin di siman...*

North Stars Steel Orchestra ta lanza compacto completo

Pa cuminsa laga nos pasa den un micro biografia di e grupo aki cu ta inicia na

1994 David y Roland Tromp tabata zeil hunto, riba boto nan tabata corta bleki juice den dos y

toca ariba nan y asina entretene e turistanan.

Na '95 **S r . B a j a n** (q.e.p.d.) a cuminsa traha barinan roadside.

1996 Sr. David y Sr. Roland Tromp hunto cu Sr. Semi Ridderstaat a desfila den e promé y unico

parada di carnaval cu tabata na Noord, den un garoshi sin dak cu tabata tin mas bari cu tocado.

Epago y aprecio di mas grandi cu nan a ricibi tabata ora e publico na banda di caminda tabata

Respalda nan dor di bati man pa e esfuerzo pa bini bek cu e steelband original.

1997 Sr. Milo Krozendijk a tuma maneho den su man. Promé training tabata na cas di Sr. Semi

Ridderstaat esnan cu a preenta ta na e ensayo ta David Tromp, Roland Tromp, Edwin

Tromp, Milo Krozendijk, Semi Ridderstaat.

1998 Training a sigui na cas di Sr. Edwin Gomez na Hadrei di Noord. Sr. Edwin a bai Trinidad

y a trese e promé pan di chrome y duna esaki regalo na Sr. Milo Krozendijk.

1999 A cambia e estilo di toca roadside pa shuffle y a bai toca den parada di San Nicolas y

Playa. A resulta cu e bari nan mester wordo cambia pa barinan nobo. Door cu nan ta bieuw

nan no por carga e paradanan. Nan tabata haña scur den nan y constantemente mester a stem

nan di nobo.

Na aña 2000 Amstel a sponser e steelband den e paradanan hunto cu Mourik N.V. Aki nan a cumpri un par di bari for di Sr. Simon Danies.

E aña ey Sr. Freddy Tromp doño di e barinan a bai Trinidad y a trese mas


Bari cu entrenan a yega Double tenor, 1st pan, Double second, Double quitar pan, Tenor base, Raspa tur chrome.

Awor e banda ta mitar chrome traha na Trinidad y mitar traha na Aruba. Na mei-



mei di aña a busca un trahador for di Trinidad y den cura di cas di Sr. Juan "Kid" cu awendia ta wordo yama Panyard (e lugar di training) bou di un palo di kwihi, a traha un set di base di 6 bari. Tambe un di 5 bari, un devil base, un tenor base.

Yui di Sr. Juan "Kid" Frederick a bai Trinidad y a terse 4 single quitar pan. E banda a bira grandi di berdad. E ta practicamente full di chrome y barinan cu por resisti tur e paradanan.



Na 2001 ariba un anochi preparando pa e carnaval 2001 Polar ta aserca steelband pa ta e patronisador grandi den e paradanan. Awor nan ta conta cu dos patronisador grandi cu ta Polar y Mourik N.V....E banda awor ta conta cu un par integrante fiho y aki ta unda a nace e deseo di graba un compacto completo.

Sr. Ramon Kervel di Polar a haci e soño aki bira realidad. E produccion aki a wordo graba den I.Q. Music Lab di Sr. Ivan Quandus cu a finalisa den 3 luna.

Freddy tromp cu ta propietario di e grup[o] kier a gradici Sr. Ramon Kervel y Dick Souge di Tec Inc. Sr. Toon y Kees di Mourik N.V. tambe na tur e

patronizantenan cu a contribui den pasado. Na tur e integrantenan cu pa amor al arte nan ta toca sin cobra asina yudando e banda sigui inverti den equiponan cu ainda falta y asina e banda por sigi desaroya. Na 2002 North Stars a bira un banda di famia cu a participa den tur e paradanan di carnaval 48.

E plan te na e momento nan aki ta pa hasi presentacion den exterior.

Esnan cu kier tin e musica di steelband riba CD of pa un presentacion live por tuma contacto cu Sr. Milo Krozendijk of Sr. Freddy Tromp.

KLIP KLAP kier a gradici e organizacion di North Stars pa e confianza deposita den nos rubrica.

